

Kulya Kumbati Yabokire

Imesimuliwa na Fulani

Samunge, 2002

Nasegera masikelo ja monto wa kumbati. Lilya kumbati yaruneerere eeja nse eno ya butemine. Monto n'oyo aaghayya kimwe, aale na kagonda kehe ka ngwasi, aatemire ngwasi. Egolo jikaj'eba jy'esyaalelwa ni samaja. Jyaaesyaalelagwa ni samaja, akayy'erendela akang'or'e elemwa mburenderi bwene ngo. Gwasera, akebookela akayy'ehela mutana ng'ina gatumu. Aamwehela akayy'erendelaga. Gwasera, samaja ekaaja moi, akamiroohya, akamijagha n'etumu. Aamijagha n'etumu, ekaryaala nalyo. Yaaryaala nalyo, ekayy'esyaala gisima ekasyaala lyonse, ekoba.

Akayy'ebeela mutana ng'ina, "Etumu lyayyo ndiboba." (Mutana2) Akamubeela," Noboby etumu lyawa mutaani jyao? Wakola ngo noboby etumu lee ya. Nie kilya nkondate: nkondate etumu lyawa." (Mutana1) Akamubeela, "Ryolo najoka elibana ha ngo. Sye ntimune eban'etumu?" Akamubeela "Kalisore kulya obalijaghere samaja kulya ebasyaare nalyo." Akayy'egera agakola sye hati bwegita. Sye samaja n'ebasyaare n'etumu gisima. Akaesyaala gisima kyene. Akasyaala, aasyaare hadinko. Aasyaala hadinko, lyaaba linina akaekola n'kijoomi. Bulya abaghubukire lee, agakola monto nwa mwobo. Monto nwa mwobo ale na nyamatwe. Akola na nyamatwe, akabeelwa (na kiryoka), "Babo ya, sye nobaaja kono?" Akabuga, "Mbaroohya etumu lya mutani jyao. Naaroohya etumu lya mutani jyao nabandanya. Abamubeela, 'Okeng'or'ebana etumu lyawa.'" Akabeelwa, "Mbyo abakugita ya?" "Ee." "Ryolo ngo, njoo jogisya. Etumu lyehene ndele. Ryolo ngo, ghai kumbati eno muhire ahika ajoone. Ghai ngo ya kumbati n'eno ntwaguha. Twaaguha, asika mubeele, 'gatubagere kumbati yene kulya mbamibookirye. Mbugire nobabande gisima kilya mbasyaala.'" Basi, akageera (kumbati yene ngo ayyo n'esere) bulya abaghubukire.

"Mutani jyao ghai gatumu kayyo." Akamuha gatumu kalya. Aakamuha bulya abasubire ekamuha, akamuha na kumbati elya. Elya aabookirye gokyo kwa biryookane. Ghai bantu babyo babay'elajoka bakayy'eba biryooka bantu ba mwobo. Bulya abajokire akamuha kumbati elya. Bulya abamisubire. (Mutana1) Akamubeela, "Ryolo ngo lee mutaniyo, njoo

ngo ghayya kimwe ya, aja. Sye, nobabana bulya obasimyola. Sye n'ejagha mutwe njubaghwasa. Ryolo ngo, na nie kilya nkondate lee ya, aja, nkondate kumbati elya yawa. Ryolo ngo, njoo, booka ya. Njoo njyelela kumbati yawa. Nobamanyire kulya mbamibookya." Olya mutana ng'ina agakola hati haale bunge bwegita. Libaba ayyele kumbati elya ya mutana ng'ina. Ghai nene nabamuranyire gatumu.

Akasyaala gisima bulya abasyaare. Aakayy'ekola bantu balya biryooka bibi bya mwoooboo.

(Mutana2) Akabeelwa, "Aja mbyo obagitwa. Ryolo nobaajela kumbati?" "Ee." "Ghai ngo muhire hira mutana mwooohoo ale ryolo ngo lee ya, ghai, ntwakuroseela we lee ya, ntwaguha ejagha butoojo. Ntwaguha butoojo ya, mwamoroora mukaminje. Kaminjeni." Ale m'bobyoo. Basi bulya abamuhere ngo kumbati na butoojo bulya akamuhira.

(Mutana2) "Mtaaniyo aja. Sye tegerya. Ryolo nimbay'ehaabwa ejagha butoojo ngo ya. Ghai tukaminje." Bakayy'eminja kumbati. Ekabelela yatemwa ngo, kirunelu kya eleta nse'no kumbati. Ekaba ya daba yonse. Ryolo ejagha; ryolo bobyoo n'ejoonagwa.

Hale y'ejoona, hale y'eloma, y'edakuna. Na enge ryolo bobyoo nyoghoswa niaringwa.

Yaaringwa kiburu yajaghwa mudughani, bantu banyuka. Ryolo ngo nkyoo kiruneelu kya kumbati ky'eeja nseno. Ryolo kumbati n'eno eghairye kimwe, etihiky'egirigwa monto amamuna kumbati yabookire kwa biryookane. Nwagiryaa muhenji wayyo kumbati bo? Nkyoo kiruneelu. Ryolo nimbaroohya.